

鄱陽縣志卷之二十七

祥異志

祥所宜祥乃祥不宜反是異所宜異不異不宜反是蓋視人事而已矣人事不修無祥異而皆有憂也修人事則雖盛時之氣數樂土之乘除有祥異而皆無憂也然尤宜日益其所謹修此祥異之宜有志不獨於鄱然而鄱之見於舊載附以近見聞者義亦不外此焉

吳

黃武元年三月鄱陽言黃龍見 三國志

鄱陽縣志 卷之二十七 祥異

赤烏三年十一月饑

十一年五月鄱陽言白虎仁 三國志

晉

元康四年秋七月白鳥見 宋書

太康十年十一月木連理生鄱陽鄒鄉 宋書

太興元年七月四星聚於牽牛又枯樟更生內史王廙疏

聞 晉書

永和十二年九月甲申白兔見太守王者之以獻并上頌

義熙 年李嬰及弟滔善弩頃得大鹿解其四脚懸著樹

聞炙食勿見山下有人長三丈許疾步持大囊來歛



鹿頭豁皮肉納其中徑負入山須臾二人俱卒見舊志紀

劉宋

元嘉二十九年秋八月癸酉白鹿見鄱陽南中郎將武陵

王煒以獻宋書

南齊

永明十年獻一角獸麟首鹿形龍鸞共色南齊書

按明是誇耀獲麟却不直說麟巧於售歟共色字法極工疑是文家通用魏書袁翻思歸賦諸烟共色亦其一也然鸞有定色龍則無定色所共果何

鄱陽縣志

卷之二十七祥異

二

色乎華言無實類如此邑人史珥鄱郡史事考

陳

永定三年四月蝗旱

唐

永徽元年六月大水溺死數百人唐書

顯慶元年十一月己巳火唐書

貞元十一年六月暴雨水溢城郭壞漂沒數千家

元和七年五月山水暴漲壞廬舍舊唐書

十一年大水漂失四千七百戶舊唐書

宋

太平興國二年獲六目龜以獻

咸平二年龔紀與二子俱應進士舉先是家中眾妖競作

牝雞司晨犬巾幘而行凡几榻器服皆遷移紀大恐

召巫姥治之時有貓在側或指之曰獨此物如常貓

忽人立言不敢眾皆駭而遁越歲三人同登第焉見舊

志紀異

大中二年開元觀舊在湖水北層樓迴閣樹樾森秀稱一

奇勝後稍圯敝忽一夜地震如雷殿堂四十餘間盡

移湖水之南布列不殊舊制時太守上聞易名曰神

運閣見舊志紀異

鄱陽縣志

卷之二十七 祥異

三

祥符二年二月饒州獻芝草四本宋史

三年閏二月饒州芝草生宋史

六年夏四月承天院東山生紫芝四本連葉宋史

天喜元年夏四月竹生穗如米

熙寧三年夏六月己未長山雨木子數畝狀類山芋子味

香而辛土人以爲桂子又曰菩提子是年大稔宋史

元豐元年旱

八年饒州禾合穗或異畝同穎宋史

建炎二十七年有妖鳥鳧身雞尾長喙方足赤目止民屋

數日彈矢不能中

紹興五年八月四晚朱仲山爲小吏最險譎尋告假徑獲
雷電繞其居衆皆聞空中語有云田頭刈稻去者又
有云章田者倏黑氛如曳帛穿西北去仲山竟以是
夕震死及塋輓者行田塍聞雷忽驚散復碎其棺家
常輒有震異久始息

見舊志
紀異

同年鄉民江六三屠牛爲業後得毒牛法用藥浸鐵
鍼數寸插牛脅中必不起則賤市之剥以鬻人每厚
其值久之暮出忽墮小池中水僅尺餘已溺死及明
見之則鴉鳶數百噪啄其肌膚無一存者僅遺藥針
在腰袋而已

見舊志
紀異

鄱陽縣志

卷之二十七

祥異

四

六年冬雨水壞城郭四百六十餘丈

宋史

九年饑斗米千錢

宋史

十四年旱

二十一年石門張傭家籬竹生重萼牡丹又城中汪

念一家竈鼎生金色蓮花

宋史

隆興七年夏秋旱首種不入冬不雨

宋史

九年五月水壞田圩沙塞四百餘畝

乾道元年永寧寺池前枯木化爲龍飛去

三年秋汪乙販魚鼈從漁者得大鼈歸寘室內夜作
呻吟聲遂昂首爲人言曰願赦命放還當思以報乙

怒持大杖箠之猶哀乞不已隣叟皆驚呼相縱乙竟
劊殺焉無何坐事遭刑瘐死獄中

見舊志
紀異

四年大水饑民嘯聚遣官措置賑濟

宋史

五年饑民多流徙賑留止供米三萬石以備賑難

宋史

六年春旱至冬不雨大饑

七年饑人食草實多流徙遺孩滿道賑之不給詔立
勸分賞格內出左帑增賑收育弃兒

九年水漂民居壞圩湮田

宋史

淳熙元年六月大雷震市火

宋史

年饒州民嚴翁爲桶匠居城外和眾坊妻生三子

鄱陽縣志

卷之二十七

祥異

五

皆娶婦嚴死累歲妻以淳熙庚子四月亦亡三子有
孝心停柩於家七日方作齋會姻戚咸集一蝮蛇俗
稱鼈鼻者長五六尺忽從柩下出蛇蛇蜒蜒了無害
人意見者異而視之蛇昂身向子點首者三四眼中
流淚若欲悲訴然或擬舉杖加笞子遮止之鄰媪乃
問曰爾是嚴婆耶點其首又問何處是爾靈坐卽直
赴其所良久復出又問三婦房何在皆隨聲而往問
三子亦然旣罷徐徐入戶限內不知所之

見舊志
紀異

七年大旱

宋史

八年正月至十一月不雨民大饑流入淮郡者萬餘

人 宋史

十年南鄉民產子兩肘有三臂長能鬪六臂竝運後
不知所終 宋史

十四年五月旱給僧度牒鬻以糴米備賑 宋史

紹熙四年民間二小鼠食牛角三徙牛卒不免角穿肉瘡
以斃

五年水

七月紫樞坊二犬共搏一蝮俄頃之間三物俱

斃

慶元元年民家一貓領數十鼠隨行相哺如子母或殺貓

鄱陽縣志

卷之二十七

祥異

六

而鼠舐其血鼠象盜貓職捕而反與相哺司盜廢職
之象也興唐龍朔洛州貓虎同占 宋史

按虎當作鼠龍朔洛州事見通考新舊唐書皆無
之考大歷十三年汧源縣貓鼠同乳崔祐甫所謂

法吏不勤觸邪邊吏不勤扞敵者也則此與通考

所引皆卽其事第時地譌耳

邑人史珥鄱郡史事考

夏五月中旬間饒州大雨七晝夜江湖皆溢水

入城者過六尺鄱陽浮梁尤甚清塘村去州九十里

劉氏擅其地是時庭中數處穿穴濺水跳珠其家謂

積水固然弗以爲慮至二十二日午未之際忽成兩

大竅泉湧出其中方知必有水禍悉收拾篋縛置梁上而率家人登舟趨後山甫及半山水大至回望故廬已蕩然隨流而去無尺椽片瓦存迨水退往視則陷為污澤說者謂蛟螭輩乘水勢與人為害然亦不可奈何矣

見舊志紀異

三年壘舍雞卵出蛇

四年春初外醫黃裳用瓷瓶插紅梅二枝高尺許寘所祀呂僊案前逾旬花將殘見已結實如豆二十餘既成大亦異常觀者盈室或云初以鹽及沸湯合浸花妍可久絕無成彈纍纍滿枝者

見舊志紀異

鄱陽縣志

卷之二十七

祥異

七

五年水振之

宋史

六年水自庚午至於甲戌漂民廬害稼振之

宋史

嘉定九年五月大水害稼壞廬舍

宋史

十年饑剽盜起

宋史

紹定間產芝二本黃房紫萼十二層十六葉在饒州

宣聖殿

通志

嘉熙元年水

宋史

十一年水

宋史

淳祐十一年旱

宋史

十二年六月淫雨水漲溺者無算

寶祐元年七月大水 宋史

德祐元年饑詔免今年田租 宋史

元

元貞元年夏五月大水 豫章書

大德元年五月大雷雨山澤龍出舟行樹杪漂沒居民 元史

二年水發臨江路糧以賑仍弛澤梁之禁聽民漁采

元史

六年夏六月大饑賑 元史

延祐七年進嘉禾一莖六穗 元史

按五行志列延祐七年此列英宗紀蓋仁宗以正

鄱陽縣志 卷之二十七 祥異

八

月崩年雖延祐而事實英宗也 邑人史珥鄱郡史事考

至治二年產麥兩歧禾六穗總管王都中以獻

泰定二年饑賑以宋董煇所編救荒活民書頒州縣 元史

天歷元年大旱饑

二年八月旱 元史

至順元年六月饑命有司賑之 元史

至元元年有賣藥道人寓鄱時一村童數以餉分之道人

後與以櫻扇且戒曰北兵至宜以障面未幾兵入境

殺戮者多村童獨在稠人中以扇障面得免於刃 見傳

志紀

異

冬十二月地震

豫章書

十四年春大饑人相食

元史

二十九年民艱食發粟賑之

元史

年大饑總管王都中出廩粟賑之行省欲罪其擅

發王克敬曰鄱陽距此千里比待命民且死彼為仁

而吾屬顧為不仁乎都中因得免

元史

至正十年十月天雨黑子大如黍麥

元史

十一年十月雨菽豆

舊志作雨樞子大如黍黑赤色按樞卽枸杞也

郡邑民

多取而食之

元史

十三年大旱疫

元史

鄱陽縣志

卷之二十七

祥異

九

十四年大饑兵亂男女殍死者人爭食之

元史

二十三年二月三夜枉矢星隕於鄱陽湖曳燄如帚

明

洪武二年霖雨四月至六月城中水深丈餘冬始平城多

傾圮

建文二年大水

豫章書

永樂元年秋蝗旱

二年正月四日大雷雨積潦至五月七日惡風作水

漲城中深二丈許漂廬舍溺死者以數千計壞城郭

五百餘丈居民往來以舟七月始平民大饑斗米值

寶鈔二十貫該銀三錢七分五釐

四年溪水暴漲壞城垣房舍溺死人畜甚眾 明史

十年四月大水

十四年七月暴雨山穴蛟出水溢沙石塞田不可耕者十之三

洪熙元年二月地大震秋七月又大震河水盈蕩屋瓦有聲

宣德元年八月火燬民舍千餘

六年水大饑

八年大水

鄱陽縣志 卷之二十七 祥異 十

正統五年七月大火延燒三千八百四十二家

七年民顧勵妻夏氏一乳生三子郡縣以聞詔賜粟

帛復其家

正德二年秋八月後港蘿蔔菜葉如劍如旗油菜結四實

如鳥狀 豫章書

八年冬嚴寒草木多死

十月壬寅火燔五百餘家 明史

十四年鄱陽湖蛟龍鬪 明史

十六年六月大水

正德末漁人王二八見浮尸憐之聲所有鬻棺為葬眾喧

其迂尋冬寒餒甚罩魚淤堦中得巨鯉數十以半易粟餘持歸奉母剖之刀鋒錚皆黃金也後成富室皆

以為孝義之賜

見舊志紀異

嘉靖元年五月大水市上行舟六月大風拔木

二年大饑冬十二月除夕風雪大作平地須臾尺餘飄入民居燈燭皆滅行李凍死相枕藉至元旦下午方止

五年五月二十五夜虎入城及順昌王府前命力士搏殺之

八年水

鄱陽縣志

卷之二十七

祥異

七

九年解元歐陽杲為諸生時脩學宇輪一人課工杲值課浚頰池得土鳳一枚頭足如生五色俱具下俛有三四泥卵焉其兩翮稍為劇者所斲明年杲登賢

書第一人

見舊志紀異

十八年大水

二十三年四月不雨至於九月大饑

二十四年旱大饑

二十九年姜金和初同史某上春官史夢朝中案三鏡急言一在鄱金和亦夢人持一鏡求銘銘曰規以乾符範以坤矩目瞭則知心正形稿則思德潤匪莫

鑑貌實以鑑神明日各告所夢相符金和是年果臚

唱第三 見舊志
紀異

三十五年水

三十七年獲白鹿 府志作
白兔

四十年獲白雁

四十一年水

四十二年蠙洲有牛腹大異常忽雷電遶其身產犢
如駒鱗角俱具後莫知所往

隆慶元年訛言刷童女一時婚嫁殆盡

萬曆三年旱饑是年夏日食既晝如黑夜移時乃復

鄱陽縣志 卷之二十七 祥異

十三

十三年秋旱蟲食粟盡

十五年十六年十七年旱饑疫相繼死者載道米價
騰貴知府劉惠喬捐贖及鹽稅漁課舊例之公費盡
以贍救貧民

二十四年三月大風雨電

二十六年靈芝門民舍猪產子六一人形一象形一

無耳目

二十八年春雷震府學正殿秋地震

三十年夏大水冬旱

三十一年永平關有物如塊喘動作人啼笑聲擊之

不能斃數日滅

三十二年十一月九日地大震

三十六年五月大水舟行市上壞城郭廬舍水時同知詹軫光日坐小艇家至人問捐贖費輕重分哺之六月始平秋饑

四十一年五月大水舟行市上壞城郭廬舍較三十年尤甚民多饑死

四十二年五月大水與先年同

四十三年七月大風雨拆文宗方伯乙酉同升吳楚雄鎮三坊

鄱陽縣志

卷之二十七

祥異

七

四十四年正月大雪深四五尺

天啟元年謔言刷童女民間一時婚嫁殆盡

五年春饑米價騰貴

崇禎二年秋七月郡城民居火日數十發知府張有譽開水巷及西河以厭之冬大饑

四年十月地震

七年三月地震夏大水害稼

九年春永平門扇無故自折夏大旱斗米銀二錢十年春雨木冰有飛虎自西北來止義倉前其狀虎

頭鳥翼

十二年水湖中盜起商賈不通民大饑知府張允掄
疏商并賑之
十六年自秋及冬郡城屋瓦無故發聲鐵鏽桿忽躍
出座外

皇清

順治 年十二都民吳氏所居村樹木夜出火光者三後

旬餘水驟起民居址廬舍頃刻陷爲深淵

見舊志
紀異

三年自四月不雨至十有一月

四年春大饑斗米錢數千實計銀壹兩二錢夏積雨
大無麥民齧草根木實俱盡遂食土餓孳載道

鄱陽縣志

卷之二十七

祥異

十四

五年六月大風拔木凡六日城內坊表半折蛟水大
作漂沒民居無算雞生四翼四足

九年二月地震

十年四月大雨雹有蛟自舊所堂中起河中巨舟翻
溺不可勝計紫極宮通明殿圮

十一年民間譌言採童女孀婦婚嫁殆盡羣虎爲患
有一村中食人百餘者歷數年方息

十二年十二月有飛火自城外入紫極宮燬

十六年大旱

康熙

年郡治有老媪貧苦無依製冥鏹度日家畜一豕

依媪飲水食穢絕不奔突貧殘秋七日媪病卒隣人以時值酷暑急市豕爲售棺具交易已定豕乃衝門入視巡媪屍咯咯有聲作悲啼狀買人持索縛豕豕引頸就縛順道趨行越半月豕復歸見媪已殯伏地而臥戀戀不去買者覓以歸適郡守韓奕車過南門豕疾趨道左擁輿而行鞭笞不避豕跪伏車前韓異之訊之左右得其故乃償其價收而畜之莫莫堂側以全其生邑人周道輿爲之記

見舊志
紀異

二年秋大水每日辰漲申退若潮汐然凡四十餘日三年有異鳥自西南飛來其羽五彩有冠有髯羣鳥

都陽縣志

卷之二十七

祥異

五

翼而隨之移時漸入雲際

四年五年皆旱

六年冬大雨雹傷物

七年二月大風雨屋瓦俱飛明己卯賓賢坊毀六月十七日地震

八年六月望後二日地震十月二十日巳時虹見於北殷雷是夜雷風大作閃電

九年六月六日橋頭山晝晦黃塵蔽天三里許大雨雪色甚黃樹林茅屋皆積

十年夏六月不雨至十有一月泉盡竭二十八都菴

潭深數丈至是見底內有石刻洪武三年見此六字
十一年春民大饑草木實俱食盡顛仆者相望廵道
賈廷蘭別駕趙樞捐米分賑

十三年五月霪雨六月大水城市行船時科試廠前
水深三尺生童跣足入場

十九年大水圩堤俱壞夏秋無收

二十年六月大水沿河廬舍漂沒城中往來以舟米
價騰貴

二十一年六月水較萬歷三十六年大二尺八十老
人云此目所未覩

鄱陽縣志

卷之二十七

祥異

十六

二十二年大水田地漂沒人民困乏

二十四年旱災蠲賑

二十九年夏旱傷禾

三十年春霪傷麥民間有月餘不穀食者

三十一年七月初八巳午閒月見於東

三十二年秋雪

三十四年清明後八日極寒雪霰並集

三十七年二月四日大雨雹屋瓦多碎

五十四年秋大雨同日山圯二十餘處利陽鎮寺山
裂爲二

五十五年五月大水入郡治二門城多傾圮舟行其上

五十八年異鳥止青湖夏姓園樹虎頭駁色大如犢聲甚厲不畏彈射越三日始去

六十年秋大旱東湖水熱如湯魚盡浮死

雍正三年秋旱附郭民居火日數發民多携囊橐什器露宿湖濱凡三月餘始復

四年三月永平關火燔民居百有餘戶城樓燬

八年七月地震

乾隆二年虎患大作歷數年始息計傷三百餘人

鄱陽縣志

卷之二十七

祥異

七

三年正月十一日大風雨雹有大如拳者碎屋瓦殺

鳥雀

四年冬燠除夕單衣夜半朔風大作元旦雨雪木冰

八年春大饑米價騰貴斗米銀三錢鄱東諸山竹生

實如米民採之日得升許炊食之味如麥

九年十一月大雪嚴凍竹與樟皆枯死洲渚鳧雁多

斃

十年牛大疫有通村皆斃者

十二年永平關火

舊志止此

十四年十月三日巳時青天雷震數聲

二十一年十月十四夜戌時地震勢若墻屋傾圮移時方定

二十二年八都四畷軒四里產黃牛並頭兩口三月二十九日五月大水船滿街衢

三十一年五月大水至八月方退夏秋無收

三十二年四月大水夏秋無收

三十四年大水夏秋無收

十月初四日先立冬六日大雪

十二月二十日辰時地震

三十六年秋九月雪

鄱陽縣志

卷之二十七 祥異

六

四十八年大水撐船入市

五十一年清明後六日大雪嚴凍

五十三年秋大水街市行舟

五十四年大水

五十七年三月初四日申時大雨雹屋瓦皆碎菜麥

無收

五十八年東北關二畷耆民石基煥生康熙三十年

歿于乾隆五十八年得壽一百有三歲

嘉慶二年地震

三年六月永平關火半月三發燔百餘家

七年大旱米價騰貴緩徵

九年四十三都二畝徐士爰生於康熙四十三年歿於嘉慶九年得壽一百零一歲

十三年五月水

十八年六都三畝楚塘恩貢生周元濂年八十一歲五世同堂奉

旨欽旌眉壽延慶匾額賞給緞疋銀兩

二十四年芝草生於府治慶朔堂

道光三年自五月初八日雨至二十六日止大水至府治儀門階下街市行船圩鄉夏秋無收

鄱陽縣志

卷之二十七 祥異

九

胡玉觀母史氏年一百又一歲今猶健

十都四畝耆民朱朝福六世同堂壽八十有六

六都三畝板步橋耆賓周楫八十八歲五世同堂道

光四年署知縣陳獎給五葉蕃昌匾額

二十都一畝監生七十五歲朱世昌五世同堂